

Domine fletum meum, & suscipe verba deprecationis meae, quae ego peccator TIMORE perterritus, coram Te loquor, clementissime, mitissime & misericordissime Domine, ne feceris mihi obsecro secundum cuncta opera mea; neq; memineris iniquitatum mearum, quibus ego gratiam tuam, benignissime Domine irritavi. Tantum mihi peccatori, hominum amator optime, temporis concede, ut pœnitentiae spacium habeam. Gratia tua, quae delicta juventutis meae tulit, & senectutis nunc errata perferat --- Tu qui corda scrutaris & renes hominum, nostrasq; cogitationes perspicis, nosti me acerbissimo animi dolore coactum, ista ausum in conspectu tuo eloqui. Respice ô Christe Salvator fontes lachrymarum mearum, contritionesq; ac gemitus indignae meae animae. Veniat praeceptorum tuorum jussio, & me protegat, antequam formidabili jussu tuo imparatus atque confusus deprehendar. Quamobrem supplico Domine, ut verae pœnitentiae spacium mihi largiaris. Suggestit mihi quotidie viam salutis, & nunquam non me ad vitam trahit Salvator meus, ut salvus fiam. Quoties in mentem mihi venit illius diei hora, in qua me repente TI-  
MOR